



Inatsisartuni ilaasortaq
Kim Kielsen
/Maani

§ 36, imm. 1 naapertorlugu apeqqummut nr. 2010-190-imut akissut

Asasara Kim Kielsen,

Aallarniutigalugu apeqqutit saqqummiunneqartut pillugit qutsavigissavakkit, taakkulu imatut nipeqarput:

1. Naalakkersuisut inissianik 84-nik sananissamut suliarinnittussarsiusseqqaarani isumaqatigiissuteqarsimappat?

a. Taamaassimappat qanoq tunngavilersuutissaqarpisi?

b. Taamaangippammi sunaana sulisitsisut kalaallit "NuSuKA"-p eqqartoraat?

2. Naalakkersuisut qanoq suliarinnittussarsiuussinermut inatsit malilersarpaat – immikkut ilioqattaartuarnani – soorlu illoqarfinni arlaqartuni sanaartornermi nunani allanit suliffeqarfiutillit sulisartunik nunaqavissunik atuinatik sulisut?

3. Qanoq ilillutik Naalakkersuisut nakkutiginiarpaat nunani allanit suliffiutillit sulisuisa nunatsinnut akileraarnerat?

4. Naalakkersuisut suliarinnittussarsiuussinermut inatsit allangortinniarlugu pilersaaruteqarpat soorlu Nunavumi nunaqavissut neqeroorutaat %-nik aalajangersimasunik akisunerusinnaasut taamaasiornikkut nunap iluani aningaasaqarnikkut ingerlatsineq qulakkeerusullugu?

(Inatsisartuni ilaasortaq Kim Kielsen, Siumut)

Erseqqissaatigissavara, apeqqutit saqqummiunneqartut soqutiginaannaratik, aammataa maannakkut pissutsinut atuuttunut tunngassuteqartorujussuummata.

Apeqqut 1-imut akissut: Naamik. Inissiat 84-t nammineerluni suliniutaallutik nammineerlunilu aningaasalersorneqarlutik aallartinneqareersut tuniniarneqareersullu pisinissamut Naalakkersuisut isumaqatigiissusiorput. Taamaattumik tassani sanaartukkat aallartinginnerini inissianik pisinissamut Naalakkersuisut isumaqatigiissuteqareersimanngillat. Nusuka-p suliamut isummerneru kukkuvoq ilumoortuunanilu.

Apeqqut 2-mut akissut: Suliariumannittussarsiuussinermut inatsisinik, maannakkut sanaartornermi neqerooruteqartitsisarnermut Inatsisartut inatsisaanni nr. 11-mi, 2. december 2009-meersumi (neqerooruteqarnermut inatsit) maleruagassiuunneqartunik sa-neqqutsinissamut sukkulluunniit Naalakkersuisut akuersissuteqarsimanngillat.

Nunani allani suliffeqarfiit Kalaallit Nunaanni Inatsisartut inatsisaat nr. 12, 12. november 2001-imeersoq naapertorlugu imatut iliorlutik inuussutissarsionermik ingerlataqarsinnaapput:

15. oktober 2010

Sagsnr. 2010-039152

Dok. Nr. 478364

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanaq.gl

www.nanaq.gl

Inuussutissarsiornermut inatsit naapertorlugu § 5, imm. 1-imi piunasaqaatit naammassineqarsimappata suliffeqarfiit Kalaallit Nunaanni inuussutissarsiornermik ingerlataqarnissamut pisinnaatitaaffeqarput. Suliffeqarfiit Inuussutissarsiornermut Ingerlatseqatigiiffinnullu Aqutsisoqarfimmi Kalaallit Nunaanni angerlarsimaffeqartutut nalunaarsorneqarsimanissaat, aammalu ingerlatseqatigiiffiup aqutsisuiisa Kalaallit Nunaanni najugaqarnissaat, aammalu qullersaqarfimmi siulersuisunilu ilaasortat namminersorsinnaatitaaffeqarnissaat, imaluunniit namminersorsinnaanermik inatsit malillugu nammineerlutik inuussutissarsiummik pineqartumik ingerlatsinissamut akuerineqarsimanissaat, kiisalu qullersaqarfimmi siulersuisunilu ilaasortat akiliisinnaajunnaartutut nalunaarutigineqarsimannginnissaat piunasarineqarpoq.

Suliffeqarfik immikkoortorta qaqutigalugu Kalaallit Nunaanni ingerlanneqarpat, § 5, imm. 4 naammassineqarsimassaaq, tassalu nunat tamat akornanni isumaqatigiissummik atsiugaqartoqarsimassaaq, aammalu ingerlatseqatigiiffiit kalaallit pigineqartut suliffeqarfiup pineqartup nunagisaani assingusunik pisinnaatitaaffeqarnerisa nassuerutigineqarsimanissaa nalilerneqarsimassaaq, imaluunniit tamanna pillugu aalajangersakkanik Naalackersuisut aalajangersaasimassapput. Taamaallaat immikkoortortami pisortat § 2-mi, tak. § 3, imm. 1, piunasaqaatinik naammassinnissimappata immikkoortorta qaqutigalugu inuussutissarsiummik ingerlataqartoqarsinnaavoq. § 2-mi piunasarineqarpoq, inuk danskisut innuttaassuseqassasoq imaluunniit Kalaallit Nunaannut atuuttumik najugaqarnissamut sulinissamullu akuersissummik pigisaqassasoq Kalaallillu Nunaanni najugaqassasoq, aammalu namminersorsinnaatitaaffeqassasoq, imaluunniit namminersorsinnaanermut inatsit malillugu nammineerluni inuussutissarsiummik pineqartumik ingerlatsinissamut akuersissummik tunineqarsimassasoq, aammalu Kalaallit Nunaanni Inuussutissarsiortut Nalunaarsorsimaffianni nalunaarsorsimassasoq, kiisalu kaattaassititsisartutut, aningaasanik nalilinnik nioqquteqartutut imaluunniit illunik tuniniaasartutut inuussutissarsiummik ingerlataqartutut akiliisinnaajunnaartutut nalunaarutigineqarsimassanani. § 2, imm. 2-mi allassimavoq, nunat tamat akornanni isumaqatigiissutini inatsititigut tunngavissaqartoqarpat, imaluunniit Naalackersuisut aalajangersakkanik aalajangersaasimappata danskisut innuttaassuseqarnissamik aamma Kalaallit Nunaanni najugaqarnissamik piunasaqaat atorunnaassasoq.

2004-mi Aningaasaqarnermut Inuussutissarsiornermullu Ministeri Bendt Bendtsen taamanikkut Inuussutissarsiornermut Naalackersuisuusumit Johan Lund Olsen-imit qinnuigineqarluni, aammalu aktianik piginneqatigiiffinnut inatsit tunngavigalugu aktianik piginneqatigiiffinnut, kommanditselskabinut aammalu ingerlatseqatigiiffinnut maannakkutut inatsisit tunngavigalugit iluseqarlutik nunani avannarlerni, EU-mi tamarmiusumi kiisalu Canadami USA-milu tamanut atuuttussamik Kalaallit Nunaanni immikkoortorta qarfinnik pilersitsinissamut akuersissuteqarpoq. Naalackersuisut 18. juni 2007-imi aalajangerput, inuussutissarsiornermut inatsimmi § 5, imm. 4 naapertorlugu ingerlatseqatigiiffinnut, 2004-mi akuersissuteqarnermi ilaatinneqartunut inuussutissarsiutinik ingerlataqarnissamut tamanut atuuttumik akuersissuteqarniarlutik.

Nunani allani suliffeqarfiit § 5, imm. 1-imi imaluunniit § 5, imm. 4-mi piunasaqaatinik naammassinnissimangippata, pisuni immikkut ittuni § 5, imm. 5 naapertorlugu qinnuteqartoqarneratigut Naalackersuisut inuussutissarsiutinik inatsimmik saneqqutsisinnaanisamut akuersissuteqarsinnaapput. Naalackersuisut pisuni ataasiakkaaginnarni suliffeqarfinnut nunanit allaneersunut maani sanaartornissamut immikkut ittumik akuersissuteqarsimapput.

Sanaartornermi sulisussanik tikisitsisarneq – ilisimareerunakkattut – inatsisikkut male-ruagassiuunneqarpoq, taannalu maannakkorpiaq tassaavoq Kalaallit Nunaanni suliffisarsiorlut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq. Inatsisit malinneqarnissaat kommunini suliffissarsiuussisarfiiit nakkutigisaraat.

Apeqqut 3-mut akissut: Suliffeqarfiit Kalaallit Nunaanni nalunaarsorsimasut atorfeqartinneqartullu tamanna pillugu maleruagassat naapertorlugit isertitanit akileraarutinik akiliisitsisartussaapput. Suliffeqarfik assersuutigalugu suliffissuarmut nunanit allaneersumut immikkoortortaanera pissutigiinnarlugu immikkut ittumik nakkutigineqarneq ajorpoq.

Apeqqut 4-mut akissut: Aaqqissuussinermik, suliariumannittussarsiuussinerni avataanniit suliffeqarfinnit peqataaffigineqartuni sanaartornermi suliffeqarfinnik najugaqavissunik salliutitsisarnissamik atuutsitsilernissamut Naalakkersuisut maannakkorpiaq pilersaarteqanngillat. Aaqqissuussineq taamaattoq qilersorsimanngitsumik unammilleqatigiinnissamut nammineerluni pisinnaasanik ineriartortitsinissamut suliffeqarfinnut sukkulluunniit kaammattuutaanngitsoq sinnassaataaginnartussaasoq, taamatullu aaqqissuussinerup taamaattup sanaartornermi akinik qaffatsitsinissaa aarlerinaateqartoq Naalakkersuisut isumaqarput.

2007-imi misissuinerup taamanikkut Ineqarnermut Attaveqarnermullu Pisortaqarfiusumit ingerlanneqartup takutippaa, 2001-imiit 2006-imut pisortat suliariumannittussarsiuussinerni, suliffeqarfinnit avataaneersunit taamatullu najugaqavissunit peqataaffigineqartuni suliariumannittussarsiuussinerit tamangajammik suliffeqarfinnit nunaqavissunit pissarsiarineqartarsimasut.

Neriuppunga matumuunakkut suliaq pillugu paasititsisimassallunga, aammalu annertunerusumik paasissutissiinissamut piareersimavunga.

Inussiarnersumik inuulluaqqusillunga

Jens B. Frederiksen